

Borgarráð

Styrkbeiðni - fjölgun þjónustuþega hjá Stígamótum

Lagt er til að borgarráð samþykki að veita Stígamótum styrk að upphæð 5 mkr., af kostnaðarstaðnum ófyrirséð, 09205, til að koma til móts við mikla aukningu í aðsókn í þjónustu samtakanna. Framlaginu er m.a. ætlað að tryggja fræðslu og þjónustu til jaðarsettra hópa.

Greinargerð:

Í lok síðasta árs stóð Stígamót fyrir fjáröflunarátaki sem hafði það m.a. að markmiði að safna fé til fræðsluverkefna fyrir jaðarsetta hópa. Söfnunin tryggir Stígamótum auknar tekjur sem nemur alls um 60 milljónum næstu 3 árin en í kjölfar átaksins jókst ásókn í þjónustu samtakanna um 12,7% þar sem um 372 nýir brotáþolar leituðu til stígamóta eftir ráðgjöf og þjónustu. Það hefur leitt til þess að aukið fé hefur verið veitt til ráðgjafar við þessa þessa aðila og þau verkefni sem samtökin hugðust ráðast í hafa þurft að bíða. Styrkveitingunni er ætlað að tryggja að ekki verði bið á að ráðist verði í þau mikilvægu verkefni sem fyrirhuguð voru og er ætlað að tryggja fræðslu og þjónustu við jaðarsetta hópa.

Sigurður Björn Blöndal
e.u.

Hjálagt:

Styrkumsókn Stígamóta til þess að mæta fjölgun þjónustuþega hjá Stígamótum, dags. 11.4.2017
Umsögn velferðarsviðs Reykjavíkurborgar vegna styrkumsóknar Stígamóta, dags. 15. maí 2017.

Til borgarráðs

Frá Guðrúnu Jónsdóttur talskonu Stígamóta

Reykjavík 11.4.2017

Ósk um styrk til þess að mæta mikilli fjölgun þjónustupega hjá Stígamótum


Ágæta borgarráðsfólk.

Eins og flestum er kunnugt réðust Stígamót í öflugt vitundarvakningar- og fjáröflunaráttak í nóvember á síðasta ári. Um var að ræða mikið auglýsingaáttak á netinu og þriggja tíma fjáröflunardagskrá á Stöð 2 þann 18. nóvember. Í forgrunni var sterkt Stígamótafólk sem hafði verið beitt grófum mannréttindabrotum, en leitaði hjálpar hjá okkur og hafði aukið lífsgæði sín umtalsvert.

Átakið gekk vel og söfnunin mun skila 60 milljónum króna næstu þrjú árin vegna fjölgunar mánaðarlegra styrktaraðila. Fjármagnið skyldi nýtast í þau fjölmörgu og brýnu verkefni sem við vildum svo gjarnan sinna, en höfum ekki getað annað. Má nefna fræðsluverkefni, verkefni til þess að ná til erlendra kvenna og unglinga og bætt þjónusta utan höfuðborgarsvæðisins.

Það sem kom á óvart var að það varð gífurleg aukning í aðsókn og fram á þennan dag höfum við engan veginn getað annað henni. Um var að ræða 12.7% aukningu og 372 nýir brotapolar leituðu aðstoðar á árinu. Slík tala hefur ekki sést hér síðan árið 1992 þegar hvergi var hjálp að fá. Allir kraftar hafa farið í að þjónusta það fólk sem leitað hefur til okkar og öll þau verkefni sem hugmyndin var að ráðast í biða. Biðtími hefur aldrei verið lengri. Aukning í aðsókn kom ekki sist úr Reykjavík og við bættust 58 nauðgunarmál frá konum miðað við það sem verið hefur. Frá áramótum hefur fjöldinn haldist mikill, þó nokkuð sé liðið frá áttakinu.


Það er augljóst að fjölga þarf um stöðugildi til þess að anna daglegri viðtalsþjónustu. Stígamót óska eftir því við borgarráð að borgin auki fjárframlög til Stígamóta þetta árið um upphæð sem nemur einu stöðugildi. Launin hjá Stígamótum eru 558.515 kr. Og við bætast svo launatengd gjöld upp á 113.221 kr. Heildarkostnaður á ársgrundvelli eru því 8.060.000 kr.



Aðsókn á Stígamótum eftir mánuðum árið 2016

Með vinsemd og virðingu

f.h. Stígamóta


Laugavegi 170
105 Reykjavík

Símar 562 68 68
800 68 68

stigamot@stigamot.is
stigamot.is





Reykjavíkurborg
Velferðarsvið

Málsnr.: 217040146
Skjalasafn Ráðhúss
17. maí 2017
Bréfalykill: 1252

Reykjavík, 16. maí 2017
VEL2017050024

Ráðhús Reykjavíkur
Borgarráð
Tjarnargata 11
101 Reykjavík

Beiðni um umsögn vegna Stígamóta

Meðfylgjandi er umsögn skrifstofustjóra ráðgjafar á velferðarsviði vegna beiðni Stígamóta um viðbótarfjárveitingu. Eins og kemur fram í umsögninni þá er í gildi samningur á milli velferðarsviðs og Stígamóta um árlegt framlag á árunum 2016 til 2018 vegna þjónustu samtakanna við þolendur kynferðisofbeldis.

Virðingarfyllst,

Regína Ásvaldsdóttir
sviðsstjóri



Umsögn vegna óska Stígamóta um styrk til að mæta mikilli fjölgun þjónustuþega

Í bréfi Stígamóta dags 11.04.17. kemur fram að í kjölfar vitundavakningar og fjáröflunarátaks í nóvember 2016 varð 12,7% aukning frá fyrra ári á aðsókn til Stígamóta. Á árinu 2016 leituðu 372 nýir brotapolar aðstoðar (42 fleiri en á árinu 2015) sem er meiri aukning en Stígamót hefur séð frá árinu 1992. Aukning í aðsókn kom ekki síst úr Reykjavík og við bættust 58 nauðgunarmál miðað við það sem verið hefur. Að mati Stígamóta er nauðsynlegt að auka við stöðugildi svo hægt sé að anna daglegri viðtalsþjónustu og því er óskað eftir auknum fjárframlögum frá Reykjavíkurborg að upphæð kr. 8.06 m.kr.

Fyrirnefnd söfnun skilaði Stígamótum 60 m.kr. næstu þrjú árin sem m.a. á að nýta til fræðsluverkefna, að ná til erlendra kvenna og unglinga og þjónustu utan höfuðborgarsvæðisins.

Velferðarsvið Reykjavíkurborgar og Stígamót hafa gert með sér samstarfssamning á grundvelli styrkveitingar um þjónustu við Reykvíkingsa sem beittir hafa verið kynferðislegu ofbeldi. Upphæð samningsins er 12 m.kr. á ári. Gildistími samningsins er 1. janúar 2016 til 31. desember 2018. Samningurinn tekur til 7 þjónustubátta.

- | | |
|-----------------------------|---|
| • Ráðgjöf: | kr. 5.610.000r. fyrir 1700 viðtöl kr. 3.300 pr. viðtal. |
| • Sjálfshjálparhópar: | kr. 890.000 |
| • Forvarnarstarf: | kr. 850.000 . |
| • Fræðsla: | kr. 750.000 |
| • Símaþjónusta: | kr. 900.000 |
| • Þjónusta við fatlað fólk: | kr. 2.000.000 |
| • Þjónusta við karla: | kr. 1.000.000 |

Í fyrri samningi sem nam kr. 13.614.683 á ársgrundvelli var innifalín 5 m.kr. greiðsla vegna Kristínarhúss, sem nú er ekki lengur starfandi, auk 2.914.683 m.kr. styrks vegna niðurgreiðslu húsaaleigu. Hlutur ráðgjafarþjónustu og fræðslu hefur því aukist frá fyrri samningi.

Í ársskýrslu Stígamóta fyrir árið 2016 kemur fram að af þeim einstaklingum sem leituðu til Stígamóta á árinu 2016 bjuggu 181 af 338 í Reykjavík eða 53.6%. Heildarfjöldi viðtala Stígamóta á árinu 2016 var 2.249 en samkvæmt samningi greiðir Reykjavíkurborg fyrir 1700 viðtöl eða 75% af heildarfjölda viðtala. Ekki er vitað hvernig viðtalafjöldi skiptist eftir búsetu.

Ljóst er að Stígamót gegna mikilvægri þjónustu fyrir íbúa landsins. Með aukinni vitundavakningu í þjóðfélaginu aukast líkur á því að einstaklingar sem orðið hafa fyrir kynferðislegu ofbeldi leiti sér aðstoðar, sem hlýtur að teljast jákvætt. Stígamót eru einnig samstarfsaðilar að verkefninu „Bjarkahlíð þjónustumiðstöð fyrir þolendur ofbeldis“.

Það er mat velferðarsviðs að með núverandi styrkveitingu til Stígamóta ætti að vera hægt að mæta þörfum reykvískra íbúa fyrir þjónustu ef horft er til fjölda ráðgjafaviðtala. Hins vegar virðist vera aukið ákall eftir annarri þjónustu Stígamóta sem samtökin telja sig ekki geta mætt með núverandi fjárveitingum auk 60 m.kr. sem söfnuðust í kjölfar vitundavakningar.

Virðingarfyllt

A handwritten signature in cursive script, reading "Kristjana Gunnarsdóttir", written in dark ink on a white background.

Kristjana Gunnarsdóttir, skrifstofustjóri